

Date – 25/10/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. UD&PA Minister Pu K. Sapdanga chuan sorkarin a kalpui mek Bana Kaih hmanga kaihchhuah theih tur chuan mipuiten an ban an phar a, an penchhuah ve a ngai a ti.**
- 2. Doctor te pawl 3 tanghovin Hnahthial District-ah a thlawna in entirna-'Multidisciplinary Clinic' an buatsaih.**
- 3. Union Cabinet chuan rel kawng siamna tur project pahnih a pawm.**
- 4. Cyclone Dana chuan nizan zanlai khan Odisha tuipui kam a thleng.**

<><><>

DAY NULM

UD&PA Minister Pu K. Sapdanga chuan sorkarin a kalpui mek Bana Kaih hmanga kaihchhuah theih tur chuan mipuiten an ban an phar a, an penchhuah ve a ngai a ti.

Nimina Aijal Club Park, Aizawla Deendayal Antyodaya Yojana - National Urban Livelihood Mission (DAY-NULM) hnuaiia Aizawl City Mission Management Unit (CMMU) buatsaih, ni 3 chung awh tur DAY-NULM Festival-cum-Street Food Festival a hawnaah Minister chuan he thu hi a sawi a. Minister chuan UD&PA department hna pawimawh ber te zinga mi chu DAY-NULM a nih thu a sawi. Hemi hnuaiiah hian hmasawna ruhrel din ni lo, mihring tak tak te va chawikanna a nih avangin a pawimawhin a tuiawm hle a ni a ti.

Minister chuan an department hnathawkten mi tam tak eizawna an siam saka hna tha tak an thawh chu a tawk mai lo a, inzarpharha mipui tam lehzualin an hnathawh te an lo hriat a, an lo hlawkpui theih tura puandarh hna thawh uar a ngai a ni a ti a. Puanzar hna, publicity atana inren lo turin department hotute a fuih bawk a ni.

DAY-NULM Festival-cum-Street Food Festival hawna inkhawm hi UD&PA Secretary Pu Lalmalsawma Pachuau in kaihruaiin DAY-NULM State Mission Director Dr. Andrew H. Vanlaldika chuan kaphung leh he mission hnuaiia hmalakna hrang hrang leh hmachhawp te a sawi a.

Festival chu DAY-NULM hnuaiia hamthatna dawngtute tana buatsaih niin district hrang hrangah neih thin a ni a, tun tum hi a vawi 3-na niin district dangah chuan kumtir lamah an nei a. He Festival-ah hian hamthatna dawngtu mi 47 te telin heng mi te buaipui hian stall 19 hawn a ni.

He Festival-a St. Joseph Self Help Group, Bethlehem venga mi te pawhin DAY NULM hnuaiia an hamthatna dawnah lawmthu sawiin a tira pawl indin ve mai an nih laia DAY NULM hnuaiia revolving fund hmanga bul tan thei an nih thu a sawi a.

<><><>

BIKING EVENT

Tlangram, kailawn leh hmun bir tak taka thirsakawr hmanga intlansiak, Urban Downhill Mountain Biking Event chu vawiin atang hian Aizawlah neih a ni dawn a, India rama hetiang intihsiakna neih tum 1-na tur a ni.

Ni 2 awh tur, Red Bull Urban Downhill Mountain Biking Event hi Aizawla Republic Vengah nghah a ni a, Urban Downhill hi Mountain Biking chi khat, hmun awih leh ram leilung bumboh takah te neih thin niin, ruam leh lung hmun bakah hmun hlauhawm leh harsa tak tak karah tlan thin a ni. Kan corr report lo ngaithla ang.

<><><>

FREE MEDICAL CAMP

Indian Medical Association (IMA), Mizoram Government Doctors' Association (MGDA) leh Indian Dental Association (IDA) tangkawp buatsaih, a thlawna in entirna hmun- 'Multidisciplinary Clinic' chu Hnahthial District-ah buatsaih a ni a. Mizoramah Multidisciplinary Clinic buatsaih vawi 10 na a ni.

IMA Clinic Convener Dr. Lalmuchhuaka chuan Free Clinic hi a hawng a, hawna inkhawmah hian District Bawrhsap, Pi Rita Lalnunmawii Pachuau chuan district mipuite chu he hun tha hi bawhpelh lova hmang tangkai a, inentir theuh tura chahin inentir zawng zawng ten damna an chan phah ngei a beisei thu a sawi a ni.

He inentirna hunah hian damdawi a thlawna a sem tur chu bialtu MLA, Pu Jeje Lalpekhluan a buatsaih sak bawk a ni.

Clinic-ah hian inentirna hrang hrang - Obstetrics and gynaecology (hmeichhe lam); Nephrology (zunkawng leh kal); Cardiology (lung lam); Medicine; Respiratory medicine; Surgery; Paediatrics (Naupang); Orthopaedics (Ruh lam); Dental (ha); ENT (beng, hnar leh hrawk); Ophthalmology (mit); Dermatology (vun lam); Psychiatry (rilru lam); PMR (tha na) leh audiology (beng lam) te hawn a ni a. Heng bakah hian Pharmacy (damdawi lam) thiam leh Endoscopy leh Ultrasound hmanga damlo endiktu tur Endoscopist leh Sonologist te an awm a ni.

He clinic-ah hian a vaiin doctor 50 awmin supporting staff 11 an awm bawk a. Heng doctor leh staff te hi Synod hospital; Ebenezer Medical Centre; Zoram Medical College; Christian hospital, Serkawn; Civil Hospital, Aizawl; District Hospital, Hnahthial; Aizawl Hospital; District Hospital, Serchhip; Kulikawn Hospital; Trinity hospital leh Civil Hospital Lunglei atanga kalkhawm te an ni.

He clinic hi ni hnih awh tura ruahman niin vawiinah chhonzawm a ni ang.

<><><>

YMA

YMA Rorel Inkhawm Vawi 4-na, R. Dengthuama Hall, Aizawl-a neih chuan Ruihhlo Do kawngah YMA in tun aia chak zawka hma lak ni se tiin an rel.

YMA President Pu Lalhmachhuana kaihhruai YMA Rorel Inkhawmah nimina neihah palai 1164 an kal a, Rorel Inkhawmah hian YMA khawih agenda 8 leh sorkar khawih agenda 4 an pass a ni.

YMA Khawih bikah hian-Faina leh thianghlimna kawnga hma sawn theih nan bawlhhlawh paih dan inzirtir ni se an ti a, Plastic bur in Mizoram a tihchhiat nasat avanga a hman tlem dan inzirtira, thildanga hman tangkai dan kawng zawn ini se an ti. Hei bakah hian kumtin furpui a lo thlen dawna inven lawkna turin 'Fimkhurna Hapta state pumah hman thin ni se tih te, NHIDCL hnuuia Mizoram kawngpui siam vil zui kawngah hmalak te, Ruihhlo Do kawngah chak zawka hma lak te, chak zawngah Mizo tawng humhalh kawngah hmalak chhonzawm te, YMA Inkhawmpui Lian neih loh kuma Sub-Hqrs. YMA Inkhawmpui neih te, Company/Corporate ten Mizoram chungah CSR tam zawk an hman theih nana hma lak te an rel a ni.

YMA Rorel Inkhawm hian Sawrkar khawih thu an pass zingah Mizorama raltlante awmna hmun tur, enkawl dan tur leh kaihhruaina mumal tak Sawrkar in siamin, khauh takin kengkawh zui rawh se tih te, Mizoram Lokayukta in thubuui chhuitu tur Investigation Agency hranpa a neih theihnan hmalak ni rawh se tih te, tunlaia School thenkhatin Pawl 4 thlenga Mizo Subject an la zir mumal lo chu Sawrkar in hma la rawh se tih leh, Mizoram Education (Establishment & Management of Private School) Rules, 2006 (Elementary Secondary School) chu a tul anga siamtha in ennawn ni rawh se tih te an pass a-ni. YMA Chhiatni Thatni inkaihhruaina ennawn a ni a, siamthat ngai tawh leh siamrem ngaite tihthat nghal a ni bawh.

YMA Rorel Inkhawmah hian Hruaitu hlun chawimawina sem a ni a. Ram ngaw leh nungcha humhalh tha lawmman, tuihna humhalh tha lawmman, Luidung humhalh tha lawmman, Kumpulan bawhzui tha lawmman, Chanchinbu tha lawmman leh YMA chanchinbu la tha lawmman a sem bawh a ni.

Central YMA Treasurer Pu Roneihthanga'n kum 2024-2025 Central YMA Budget atana cheng nuai 203, sing 3 sang 1, 980 a pharh chu Rorel Inkhawmah hian pawm a ni bawh.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te ngaihthlak leh chhiar theih a dah a ni.

<><><>

UNION CABINET ON RAIL PROJECT

Union Cabinet Committee on Economic Affairs (CCEA) chuan rel kawng siamna tur project pahnih cheng vaibelchhe 6,798 senna tur a pawm. New Delhi-a chanchinbumite kawmin Union Information and Broadcasting minister Ashwini Vaishnaw chuan he project hi inkalpawhna tha siam, zin veivah awlsamna leh bungraw phurhkualna man tihhniam kawngah a thawhhlawk dawn hle a a ti a. Project pakhat zawk hi railway line thuah hnih Narkatiaganj atanga Raxaul, Sitamarhi leh Darbhanga bakah Sitamarhi-Muzaffarpur section-a tlan tur a ni a. A sei zawng hi km 256 a thui tur niin Nepal, India Hmarchhak leh ramri hmuna awmte tan bungraw phurhkual leh eibar zawwna kawngah a tangkai dawn a ni a ti bawk.

Hei bakah hian Union Cabinet chuan Errupalem leh Namburu inkar km 57 a thui rel kawng siamna tur a pawm bawk a. He rel kawng hian Andhra Pradesh-a Vijayawada leh Guntur district leh Telangana-a Khammam district a paltang dawn a ni. Union Cabinet chaun Space Sector atan Venture Capital Fund hnuaiyah cheng vaibelchhe 1000 hman a remti. Kum nga chhungin Venture Capital Fund hnuaiyah hian hman tur niin kumkhatah cheng vaibelchhe 150 atanga 250 hman tur a ni a. India Space Sector tihchangkang tura hmalak bakah ngaihtuahna thar hmang uara ram eibar hmasawwna tura kalpui a ni ang.

<><><>

CYCLONE DANA

Cyclone Dana chuan nizan zanlai khan Odisha tuipui kam Bhitarkanika National Park leh Dhamra Port a thleng a. Hemi hnu hian Odisha hmarlam leh West Bengal tuipui kam a pan a. Bhubaneswar-a Met Office sawidanin cyclone in khawmual a thlen hian thli darkar khata km 120-a chakin a tleh a. Hei bakah hian Kendrapara leh Bhadrak district-ah te ruah a sur nasa a. Mayurbhanj, Cuttack, Jaipur, Balasor leh Jatgatsinghpur district ah te pawh ruah a sur nia thudawn a ni. Tualchhung thuneitute chuan cyclone tleh tur avang hian chhiatna thleng thei laka ruahmanna an siam a. Odisha Chief Minister Mohan Majhi chuan uluk takin a vil reng a. Cylcone in a tihchhiat bungrua, in leh lo te hi zirchian leh vek a ni ang/.

<><><>

GERMAN CHANCELLOR

German Chancellor Olaf Scholz chuan ni thum cham turin India a lo thleng a. Intergovernmental Consultation vawi 7-naah a tel ang. He consultation hi Prime Minister Narendra Modia leh Chancellor Scholz ten an kaihruai dawn a. Hruaitu pahnihte hian ralthuam lama thawhdunna leh eibar zawwna lamte an sawi dun dawn bawk a. Asia Pacific Conference of German Business ah thu an sawi dawn bawk a ni.

<><><>

CJI

Chief Justice of India Justice DY Chandrachud chuan kum 75 kalta chhungin Supreme Court chu mipui court ah a insiam a ti. Supreme Court kum 75 tlin puala Akashvani News-in a kawmnaah he thu hi sawiin Justice

Chandrachud chuan Supreme Court in thlirdan danglam bik a nei thin chu mipuite rawng a bawlna kawnga thil pawimawh a ni a ti a. Khawvel hmundangah a ang a awm ve lo a ti.

All India Radio-a presenter anih hunlai te he hunah hian a sawilang bawk a ni.

Chief Justice OF India kawmna hi zanin dar 9.30 ah Akashvani GOLD FM 100.1 ah ngaihthlak theih a ni dawn a. Hei bakah hian NewsonAir, newsonair.gov.in leh social media platform hrang hrangah ngaihthlak theih a ni bawk ang.

<><><>